



卷
三二
上下

831756

看詩隨錄漢五言古卷二

甯河高 靜慎莽選

古詩十九首



男 貴恩 魏廷

校刊

無名氏

行行重行行與君生別離相去萬餘里各在天一涯道路

阻且長會面安可知胡馬依北風越鳥巢南枝相去日以

遠衣帶日以緩浮雲蔽白日遊子不顧返思君令人老歲

月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當牕牖娥娥

紅粉妝纖纖出素手昔為倡家女今為蕩子婦蕩子行不

歸空牀難獨守

看詩隨錄

卷二

一

青青陵上柏磊磊澗中石人生天地間忽如遠行客斗酒

相娛樂聊厚不為薄驅車策駑馬遊戲宛與洛洛中何鬱

鬱冠帶自相索長衢羅夾巷王侯多第宅兩宮遙相望雙

闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令德

唱高言識曲聽其真齊心同所願含意俱未伸人生寄一

世奄忽若颿塵何不策高足先據要路津無為守窮賤軼

軻長苦辛

西北有高樓上與浮雲齊交疏結綺牕阿閣三重階上有

絃歌聲音響一何悲誰能為此曲無乃杞梁妻清商隨風

發中曲正徘徊一彈再三歎慷慨有餘哀不惜歌者苦但
傷知音稀願爲雙黃鵠奮翅起高飛

涉江採芙蓉蘭澤多芳草采之欲遺誰所思在遠道還顧
望舊鄉長路漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白露
沾野草時節忽復易秋蟬鳴樹間元鳥逝安適昔我同門
友高舉振六翮不念攜手好棄我如遺跡南箕北有斗牽
牛不負軛良無磐石固虛名復何益

冉冉孤生竹結根泰山阿與君爲新婚兔絲附女蘿兔絲

生有時夫婦會有宜千里遠結婚悠悠隔山陂思君令人

看詩隨錄

卷二

二

老軒車來何遲傷彼蕙蘭花含英揚光輝過時而不采將

隨秋草萎君亮執高節賤妾亦何爲朝龍以爲傳毅作

庭中有奇樹綠葉發華滋攀條折其榮將以遺所思馨香

盈懷裛路遠莫致之此物何足貴但感別經時

迢迢牽牛星皎皎河漢女織織擢素手軋軋弄機杼終日

不成章泣涕零如雨河漢清且淺相去復幾許盈盈一水

間脈脈不得語

迴車駕言邁悠悠涉長道四顧何茫茫東風搖百草所遇

非故物焉得不速老盛衰各有時立身苦不早人生非金

石豈能長壽考奄忽隨物化榮名以爲寶

東城高且長，逶迤自相屬。迴風動地起，秋草萋以綠。四時更變化，歲暮一何速。晨風懷苦心，蟋蟀傷局促。蕩滌放情志，何爲自結束。燕趙多佳人，美者顏如玉。被服羅裳衣，當

戶理清曲。音響一何悲，絃急知柱促。馳情整巾帶，沉吟聊

躑躅。思爲雙飛燕，銜泥巢君屋。

后言云鍾嶸語前十四首大溫而麗意悲而遠驚心動驅車上東門，遙望郭北墓。白楊何蕭蕭，松柏夾廣路。下有

地幾平一字千金陳死人，杳杳卽長暮。潛寐黃泉下，千載永不寤。浩浩陰陽

移年命，如朝露。人生忽如寄，壽無金石固。萬歲更相送，賢

聖莫能度。服食求神仙，多爲藥所誤。不如飲美酒，被服紵

與素。鍾嶸以上十四首爲陸機所擬

看詩隨錄

卷二

三

去者日以疎，來者日以親。出郭門直視，但見丘與墳。古墓犁爲田，松柏摧爲薪。白楊多悲風，蕭蕭愁殺人。思還故里閭，欲歸道無因。

生年不滿百，常懷千歲憂。晝短苦夜長，何不秉燭遊。爲樂當及時，何能待來茲。愚者愛惜費，但爲後世嗤。仙人王子喬，難可與等期。

凜凜歲云暮，蟋蟀夕鳴悲。涼風率已厲，遊子寒無衣。錦衾

遺洛浦，同袍與我違。獨宿累長夜，夢想見容輝。良人惟古

歡，枉駕惠前綏。願得常巧笑，攜手同車歸。旣來不須臾，又

忽寫夢境入神不處重闈亮。無晨風翼焉，能凌風飛。眇眇以適意，引領遙

相睇徙倚懷感傷垂涕沾雙扉

孟冬寒氣至北風何慘慄愁多知夜長仰觀眾星列三五

明月滿四五蟾兔缺客從遠方來遺我一書札上言長相

思下言久離別置書懷衷中三歲字不滅用意措詞微而婉一心抱區區懼

君不識察

客從遠方來遺我一端綺相去萬餘里故人心尙爾文彩

雙鴛鴦裁爲合歡被著以長相思緣以結不解以膠投漆

中誰能別離此

十九首或寓言或顯言反覆低徊抑揚不盡使讀者悲明月何皎皎照我羅牀幃憂愁不能寐攬衣起徘徊客行

雖云樂不如早旋歸出戶獨彷徨愁思當告誰引領還入

看詩隨錄

卷二

四

房淚下沾裳衣玉臺以第二第五第六第九第十二第十九首爲枚乘作

古詩

舊本合下四首爲古詩五首

無名氏

下同

蘭若生春陽涉冬猶盛滋願言追昔愛情欸感四時美人

在雲端天路無夜期光照隔元陰長嘆戀所思誰謂我無

憂積思發狂癡

古詩三首

上山採蘼蕪下山逢故夫長跪問故夫新人復何如新人

雖言好未若故人姝警文作其色似其類顏色類相似手爪不相如新人從門

入故人從閣去新人工織縑故人工織素織縑日一疋織

素五丈餘將縑來比素新人不如故

悲與親友別氣結不能言贈子以自愛道遠會見難人生
無幾時顛沛在其閒念子棄我去新心有所歡結志青雲
上何時復來還

穆穆清風至吹我羅衣裾青袍似春草長條隨風舒朝登
津梁山褰裳望所思安得抱柱信皎日以爲期

古詩一首

四坐且莫誼願聽歌一言請說銅爐器崔巍象南山上枝
似松柏下根據銅盤雕文各異類離婁自相聯誰能爲此
器公輸與魯般宋火然其中青烟颺其間從風入君懷四
坐莫不歡香風難久居空令蕙草殘

看詩隨錄

卷二

五

古詩三首

通首託物寄興不露正意彌見其高
橘柚垂華實乃在深山側聞君好我甘竊獨自雕飾委身

玉盤中歷年冀見食芳菲不相投青黃忽改色人儻欲我
知因君爲羽翼

十五從軍征八十始得歸道逢鄉里人家中有阿誰遙望

是君家松柏冢纍纍免從狗竇入雉從梁上飛中庭生旅

穀井上生旅葵烹穀持作飯采葵持作羹羹飯一時熟不

知貽阿誰出門東向望淚落沾我衣

新樹蘭蕙葩雜用杜蘅草終朝采其華日暮不盈抱采之
欲遺誰所思在遠道馨香易銷歇繁華會枯槁悵望何所

言臨風送懷抱

古詩一首

步出城東門遙望江南路前日風雪中故人從此去我欲
渡河水河水深無梁願為雙黃鵠高飛還故鄉

詩四首

蘇武

骨肉緣枝葉結交亦相因沈選評蘇李詩一唱三歎感寤具存無急詞獨論而意自長言自遠也故知靡言繁稱道所不貴竹枝詩評云連枝樹與子同一身昔為鴛鴦今為參辰昔者長相近邈若胡與秦惟念當乖離恩情日以新鹿鳴思野草可以喻嘉賓我有一尊酒欲以贈遠人願子留斟酌敘此平生親

看詩隨錄

卷二

六

結髮為夫妻恩愛兩不疑歡娛在今夕燕婉及良時征夫
懷遠路起視夜何其參辰皆已沒去去從此辭行役在戰
場相見未有期握手一長歎淚為生別滋努力愛春華莫
忘歡樂詩生當復來歸死當長相思

黃鵠一遠別千里顧徘徊胡馬失其羣思心常依依何況
雙飛龍羽翼臨當乖幸有絃歌曲可以喻中懷請為遊子
吟泠泠一何悲絲竹厲清聲慷慨有餘哀長歌正激烈中
心愴以摧欲展清商曲念子不能歸俯仰內傷心淚下不
可揮願為雙黃鵠送子俱遠飛

燭燭晨明月馥馥秋蘭芳馨良夜發隨風聞我堂征夫

懷遠路遊子戀故鄉寒冬十二月晨起踐嚴霜俯觀江漢
流仰視浮雲翔良友遠別離各在天一方山海隔中州相
去悠且長嘉會難再遇歡樂殊未央願君崇令德隨時愛
景光

與蘇武詩三首

李陵

良時不再至離別在須臾屏營衢路側執手野踟躕仰視
浮雲馳奄忽互相踰風波一失所各在天一隅長當從此
別且復立斯須欲因晨風發送子以賤軀

嘉會難再遇三載爲千秋臨河濯長纓念子悵悠悠遠望
悲風至對酒不能酬行人懷往路何以慰我愁獨有盈觴

看詩隨錄

卷二

七

酒與子結綢繆

攜手上河梁遊子暮何之徘徊蹊路側悵悵不能辭行人
難久留各言長相思安知非日月弦望自有時努力崇明

德皓首以爲期

白頭吟

卓文君

皚如山上雪皎若雲間月聞君有兩意故來相決絕今日

斗酒會明日溝水頭躡躑御溝上溝水東西流淒淒復淒淒
淒淒嫁娶不須啼願得一心人白頭不相離竹竿何嫋嫋魚

尾何篔簹男兒重意氣何用錢刀爲

怨歌行

班婕妤

用意微婉音韻和平線衣諸作此其韻響
新裂齊紈素皎潔如霜雪裁成合歡扇團團似明月出入

君懷衷動搖微風發常恐秋節至涼飆奪炎熱棄捐篋筥

中恩情中道絕

同聲歌

張衡

詩帶寄興高老道詞自妙西溪叢語云聞詩賦出
邂逅承際會得充君後房情好新交接恐慄若探湯不才

此勉自竭賤妾職所當綢繆主中饋奉禮助蒸嘗思爲莞蒟

席在下蔽匡牀願爲羅衾幃在上衛風霜灑掃清枕席鞞

芬以狄香重戶結金扁高下華燈光衣解巾粉御列圖陳

枕張素女爲我師儀態盈萬方衆夫所希見天老教軒皇

樂莫樂斯夜沒齒焉可忘

看詩隨錄

卷二

八

雜詩二首

孔融

巖巖鍾山首赫赫炎天路高明曜雲門遠景灼寒素昂昂

累世士結根在所固呂望老匹夫苟爲因世故管仲小囚

臣獨能建功祚人生有何常但患年歲暮幸託不肖軀且

當猛虎步安能苦一身與世同舉厝由不慎小節庸夫笑

我度呂望尙不希夷齊何足慕

遠送新行客歲暮乃來歸入門望愛子妻妾向人悲聞子

不可見日已潛光輝孤墳在西北常念君來遲褰裳上墟

邱但見蒿與薇白骨歸黃泉肌體乘塵飛生時不識父死

後知我誰孤魂遊窮暮飄飄安所依人生圖嗣息爾死我

念追俯仰內傷心不覺淚沾衣人生自有命但恨生日希

飲馬長城窟行

蔡邕

青青河邊草綿綿思遠道遠道不可思宿昔夢見之夢見忽用排偶

在我傍忽覺在他鄉他鄉各異縣展轉不可見枯桑知天承接急者緩之最是古人神妙處晏元獻言全用平聲

風海水知天寒入門各自媚誰肯相為言客從遠方來遺製字釋帖

我雙鯉魚呼童烹鯉魚中有尺素書長跪讀素書書中竟

何如上有加餐食下有長相憶

翠鳥

庭阪有若榴綠葉含丹榮翠鳥時來集振翼修容形回顧

生碧色動搖揚縹青幸脫虞人機得親君子庭馴心託君

看詩隨錄 卷一 九

素雌雄保百齡

悲憤詩

蔡文姬

漢季失權柄董卓亂天常志欲圖篡弒先害諸賢良逼迫此詩激昂酸楚讀去如驚蓬坐振沙磧自飛在東漢人

遷舊邦擁王以自強海內興義師欲共討不祥卓眾來東中力量最大段落分明而滅去脫卸轉接若斷若續不碎

下金甲耀日光平土人脆弱來兵皆胡羌獵野圍城邑所不亂少陵奉先詠懷北征等作在在似之

向悉破亡斬截無子遺尸骸相撐拒馬邊懸男頭馬後載

婦女長驅入西關迴路險且阻還顧邈冥冥肝脾爲爛腐

所畧有萬計不得令屯聚或有骨肉俱欲言不敢語失意

幾微聞輒言斃降虜要當以亭刃我曹不活汝豈敢惜性

命不堪其詈罵或便加極杖毒痛參弁下且則號泣行夜

則悲吟坐欲死不能得欲生無一可彼蒼者何辜乃遭此
厄禍邊荒與華異人俗少義理處所多霜雪胡風春夏起
翩翩吹我衣肅肅入我耳感時念父母哀歎無終已有客
從外來聞之常歡喜迎問其消息輒復非鄉里邂逅徼時
願骨肉來迎已得自解免當復棄兒子天屬綴人心念別
無會期存亡乖乖隔不忍與之辭兒前抱我頸問母欲何
之人言母當去豈復有還時阿母常仁惻今何更不慈我
尙未成人奈何不顧思見此崩五內恍惚生狂癡號呼手
撫摩當發復回疑兼有同時輩相送告別離慕我獨得歸
哀叫聲摧裂馬爲立踟躕車爲不轉轍觀者皆歔歔行路

看詩隨錄

卷一

十

亦嗚咽去去割情戀過征日遐邁悠悠三千里何時復交
會念我出腹子胸臆爲摧敗既至家人盡又復無中外城
郭爲山林庭宇生荆艾白骨不知誰縱橫莫覆蓋出門無
人聲豺狼嗥且吠煢煢對孤景恒咤靡肝肺登高遠眺望
魂神忽飛逝奄若壽命盡傍人相寬大爲復彊視息雖生
何聊賴託命于新人竭心自勗勵流離成鄙賤常恐復捐
廢詩譜云真情極切自然成文人生幾何時懷憂終年歲

留郡贈婦詩三首

秦嘉

人生譬朝露居世多屯蹇憂艱常早至歡會常苦晚念當
奉時役去爾日遙遠遣車迎子還空往復空返省書情悽

陰臨食不能飯獨坐空房中誰與相勸勉長夜不能眠伏
枕獨展轉憂來如循環匪席不可卷

皇靈無私親爲善荷天祿傷我與爾身少小罹炘獨旣得
結大義歡樂苦不足念當遠別離思念敘欵曲河廣無舟
梁道近隔邱陸臨路懷惆悵中駕正躑躅浮雲起高山悲
風激深谷良馬不迴鞍輕車不轉轂鍼藥可屢進愁思難
爲數貞士篤終始恩義不可促

肅肅僕夫征鏘鏘揚和鈴清晨當引邁束帶待鷄鳴顧看
空房中彷彿想姿形一別懷萬恨起坐爲不甯何用敘我
心遣思致欵誠寶釵好耀首明鏡可鑑形芳香去垢穢素
看詩隨錄 卷二 十一
琴有清聲詩人感木瓜乃欲答瑤瓊媿彼贈我厚慙此往
物輕雖知未足報貴用敘我情

擬蘇李詩

八首錄二

無名氏

晨風鳴北林熠熠東南飛願言所相思日暮不垂帷明月

非不高古然乏和宛之音去蘇李已遠

照高樓想見餘光輝元鳥夜過庭髣髴能復飛褰裳路踟
躑彷徨不能歸浮雲日千里安知我心悲思得瓊樹枝以

解長渴飢

紅塵蔽天地白日何冥冥微陰盛殺氣淒風從此興招搖

河梁

西北指天漢東南傾嗟爾穹廬子獨行如履水裋褐中無
緒帶斷續以繩瀉水置瓶中焉辨淄與澠巢父不洗耳後

世有何稱

梁甫吟

諸葛亮

步出齊城門遙望蕩陰里
里有三墳纍纍正相似問是誰
家墓田疆古冶子力能排南山
文能絕地紀一朝被讒言二
桃殺三士誰能為此謀國相
齊晏子

古詩為焦仲卿妻作

無名氏

古今第一首長詩也孔雀東南飛五里一裴回十三能織素十四學裁衣十五
口中語而各有其聲音而日豈非化工之筆彈箜篌十六誦詩書十七為君婦心中常苦悲君既為府

吏守節情不移賤妾留空房相見常日稀
鷄鳴入機織夜夜不得息三日斷五疋
大人故嫌遲非為織作遲君家婦

看詩隨錄

卷二

十三

難為妾不堪驅使徒留無所施便可白公姥及時相遣歸

府吏得聞之堂上啟阿母兒已薄祿相幸復得此婦結髮

同枕席黃泉共為友共事三二年始爾未為久女行無偏

斜何意致不厚阿母謂府吏何乃太區區此婦無禮節舉

動自專由吾意久懷忿汝豈得自由東家有賢女自名秦

羅敷可憐體無比阿母為汝求便可速遣之遣去慎莫留

府吏長跪告伏惟啟阿母今若遣此婦終老不復取阿母

得聞之椎牀便大怒小子無所畏何敢助婦語吾已失恩

義會不相從計府吏默無聲再拜還入戶舉言謂新婦哽

咽不能語我自不驅卿逼迫有阿母卿但暫還家吾今且

報府不久當歸還還必相迎取以此下心意慎勿違我語
新婦謂府吏勿復重紛紜往昔初陽歲謝家來貴門奉事

循公姥進止敢自專晝夜勤作息伶俜縈苦辛謂言無罪

過供養卒大恩仍更被驅遣何言復來還妾有繡腰襦點紫華每五歲

粧色陸離使讀者心目俱眩自生光紅羅複斗帳四角垂香囊箱簾六七十綠碧青

絲繩物物各自異種種在其中人賤物亦鄙不足迎後人

留待作遺施於今無會因時時爲安慰久久莫相忘鷄鳴

外欲曙新婦起嚴妝著我繡袂褰事事四五通足下躡絲

履頭上玳瑁光腰若流紈素耳著明月璫指如削蔥根口

如含珠丹纈纈作細步精妙世無雙上堂拜阿母阿母怒

看詩隨錄

卷二

三

不止昔作女兒時生小出野里本自無教訓兼愧貴家子

受母錢帛多不堪母驅使今日還家去念母勞家裏却與

小姑別悲愴之中復極溫厚淚落連珠子新婦初來時小姑始扶牀今日被驅

遣小姑如我長勤心養公姥好自相扶將初七及下九嬉

戲莫相忘出門登車去涕落百餘行府吏馬在前新婦車

在後隱隱何甸甸俱會大道口下馬入車中低頭共耳語

誓不相隔卿且暫還家去吾今且赴府不久當還歸誓天

不相負新婦謂府吏感君區區懷君既若見錄不久望君

來君當作磐石妾當作蒲葦蒲葦初如絲磐石無轉移我

有親父兄性行暴如雷恐不任我意逆以前我懷舉手長

勞勞二情同依依入門上家堂進退無顏儀阿母大拊掌
不圖子自歸十三教汝織十四能裁衣十五彈箜篌十六
知禮儀十七遣汝嫁謂言無誓違汝今何罪過不迎而自
歸蘭芝慚阿母兒實無罪過阿母大悲摧還家十餘日縣
令遣媒來云有第三郎窈窕世無雙年始十八九便言多
令才阿母謂阿女汝可去應之阿女含淚答蘭芝初還時
府吏見丁甯結誓不別離今日違情義恐此事非奇自可
斷來信徐徐更謂之阿母白媒人貧賤有此女始適還家
門不堪吏人婦豈合令郎君幸可廣問訊不得便相許媒
人去數日尋遣丞請還說有蘭家女承籍有宦官云有第

看詩隨錄

卷二

十四

五郎嬌逸未有婚遣丞爲媒人主簿通語言直說太守家
有此令郎君旣欲結大義故遣來貴門阿母謝媒人女子
先有誓老姥豈敢言阿兄得聞之悵然心中煩舉言謂阿
妹作計何不量先嫁得府吏後嫁得郎君否泰如天地足
以榮汝身不嫁義郎體其往欲何云蘭芝仰頭答理實如
兄言謝家事夫婿中道還兄門處分適兄意那得自任專
雖與府吏要渠會永無緣登卽相許和便可作婚姻媒人
下牀去諾諾復爾還部白府君下官奉使命言談大有
緣府君得聞之心中大歡喜視歷復開書便利此月內六
合正相應良吉三十日今已二十七卿可去成婚交語速

裝束絡繹如浮雲青雀白鵝舫四角龍子幡婀娜隨風轉
金車玉作輪躑躅青驄馬流蘇金縷鞍齋錢三百萬皆用
青絲穿雜綵三百疋交廣市鮭珍從人四五百鬱鬱登郡
門阿母謂阿女適得府君書明日來迎汝何不作衣裳莫
令事不舉阿女默無聲手巾掩口啼淚落便如瀉移我琉
璃榻出置前牕下左手持刀尺右手執綾羅朝成繡袂裙
晚成單羅衫晝掩日欲暝愁思出門啼府吏聞此變因求
假暫歸未至二三里摧藏馬悲哀新婦識馬聲躑躅相逢
迎悵然遙相望知是故人來舉手拍馬鞍嗟嘆使心傷自
君別我後人事不可量果不如先願又非君所詳我有親
看詩隨錄

卷二

五

父母逼迫兼弟兄以我應他人君還何所望府吏謂新婦
賀卿得高遷譬石方且厚可以卒千年蒲葦一時紉便作
旦夕間卿當日勝貴吾獨向黃泉新婦謂府吏何意出此
言同是被逼迫君爾妾亦然黃泉下相見勿違今日言執
手分道去各各還家門生人作死別恨恨那可論念與世
間辭千萬不復全府吏還家去上堂拜阿母今日大風寒
寒風摧樹木嚴霜結庭蘭兒今日冥冥令母在後單故作
不良計勿復怨鬼神命如南山石四體康且直阿母得聞
之零淚應聲落汝是大家子仕宦於臺閣慎勿爲婦死貴
賤情何薄東家有賢女窈窕艷城郭阿母爲汝求便復在

旦夕府吏再拜還長歎空房中作計乃爾立轉頭向尸裏
漸見愁煎迫其日牛馬嘶新婦入青盧奄奄黃昏後寂寂
人定初我命絕今日魂去尸長留攬裙脫絲履舉身赴清
池府吏聞此變心知長別離徘徊顧樹下自挂東南枝兩
尼言云實而不俚亂而能整敘事如畫右種梧桐枝相
家求合葬合葬華山傍東西植松柏左右植梧桐枝相
聖也
覆蓋葉葉相交通中有雙飛鳥自名為鴛鴦仰頭相向鳴
孤霞掩日無不可觀若孔雀東南飛南山有鳥是也
夜夜達五更行人駐足聽寡婦起彷徨多謝後世人戒之
慎勿忘

董嬌嬈

洛陽城東路桃李生路傍花花自相對葉葉自相當春風

看詩隨錄

卷二

六

東北起花葉正低昂不知誰家子提籠行採桑纖手折其

枝花落何飄揚請謝彼妹子何爲見損傷高秋八九月白

露變爲霜終年會飄墮安得久馨香秋時自零落春月復

芬芳何時盛年去歡愛永相忘吾欲竟此曲此曲愁人腸

歸來酌美酒挾瑟上高堂

羽林郎

辛延年

昔有霍家奴姓馮名子都依倚將軍勢調笑酒家胡胡姬

年十五春日獨當爐長裾連理帶廣袖合歡襦頭上藍田

玉耳後大秦珠兩鬟何窈窕一世良所無一鬟五百萬兩

鬟千萬餘不意金吾子娉婷過我廬銀鞍何煜爚翠蓋空

踟躕就我求清酒絲繩提玉壺就我求珍肴金盤鱸鯉魚
貽我青銅鏡結我紅羅裾不惜紅羅裂何論輕賤軀男兒
愛後婦女子重前夫人生有新故貴賤不相踰多謝金吾
子私愛徒區區

陌上桑

一作豔歌羅敷行

無名氏下同

鋪敘穠至與辛延年羽林郎一副筆墨此樂府舊別於
日出東南隅照我秦氏樓秦氏有好女自名為羅敷羅敷

善蠶桑採桑城南隅青絲為籠繫桂枝為籠鈎頭上倭墮

髻耳中明月珠網綺為下裙紫綺為上襦行者見羅敷下

擔捋頰鬚少年見羅敷脫帽著帽頭畔者忘其犁鋤者忘

其鋤來歸相怨怒但坐觀羅敷解使君從南來五馬立踟

看詩隨錄

卷二

七

踟使君遣吏往問是誰家姝秦氏有好女自名為羅敷羅

敷年幾何二十尚未足十五頗有餘使君謝羅敷甯可共

載不羅敷前致詞使君一何愚使君自有婦羅敷自有夫

二東方千餘騎夫婿居上頭何用識夫婿白馬從驪駒青

絲繫馬尾黃金絡馬頭腰中鹿盧劍可值千萬餘十五府

小史二十朝大夫三十侍中郎四十專城居為人潔白皙

鬢鬢頗有鬚盈盈公府步冉冉府中趨坐中數千人皆言

夫婿殊三解

鷄鳴

鷄鳴高樹巔狗吠深宮中蕩子何所之天下方太平刑法

非有貸柔弱正亂名黃金爲君門璧玉爲軒堂上有雙尊
酒作使邯鄲倡劉王碧青巒後出郭門王舍後有方池池
中雙鴛鴦鴛鴦七十二羅列自成行鳴聲合啾啾聞我殿
東廂兄弟四五人皆爲侍中郎五日一時來觀者滿路傍
黃金絡馬頭頗頗何煌煌桃生露井上李樹生桃傍蟲來
齧桃根李樹代桃彊樹木身相代兄弟還相忘

相逢行

清調曲

又人曰安生賦絲衣朱英

相逢狹路間道隘不容車不知何年少夾轂問君家君家
誠易知易知復難忘黃金爲君門白玉爲君堂堂上置尊
酒作使邯鄲倡中庭生桂樹華燈何煌煌兄弟兩三人中
看詩墮錄

卷二

六

子爲侍郎五日一來歸道上自生光黃金絡馬頭觀者盈
道傍入門時左顧但見雙鴛鴦鴛鴦七十二羅列自成行
音聲何離離鶴鳴東西廂大婦織綺羅中婦織流黃小婦
無所爲挾瑟上高堂丈人且安坐調絲方未央

隴西行

一作步出夏門行

八句若不相屬古詩在往有之

天上何所有歷歷種白榆桂樹夾道生青龍對道隅鳳皇

鳴啾啾一母將九雛顧視世間人爲樂甚獨殊好婦出迎

中自有諷意

客顏色正敷愉伸腰再拜跪問客平安不請客北堂上坐

客瓊瓊瑜清白各異尊酒上正華疏酌酒持與客客言主

人持却略再拜跪然後持一盃談笑未及竟左顧敕中厨

促令辦麤飯慎莫使稽留廢禮送客出盈盈府中趨送客亦不遠足不過門樞娶婦得如此齊姜亦不如健婦持門戶亦勝一丈夫

艷歌行 瑟調曲

翩翩堂前燕冬藏夏來見兄弟兩三人流宕在他縣故衣

與陌上桑羽林郎同見性情之正國風之遺也

誰當補新衣誰當綻賴得賢主人覽取爲我組夫婿從門來斜倚西北盼語卿且勿盼水清石自見石見何纍纍遠行不如歸

君子行

王云楚世金戴

君子防未然不處嫌疑間瓜田不納履李下不正冠嫂叔

看詩隨錄

卷二

十九

不親授長幼不比肩勞謙得其柄和光甚獨難周公下白屋吐哺不及餐一沐三握髮後世稱聖賢

傷歌行 雜曲歌辭

昭昭素明月輝光燭我牀憂人不能寐耿耿夜何長微風

不迫球不屬對和平中自有骨力

吹閨闥羅帷自飄揚攬衣曳長帶屣履下高堂東西安所之徘徊以傍徨春鳥翻南飛翩翩獨翱翔悲聲命儔匹哀鳴傷我腸感物懷所思泣涕忽沾裳伫立吐高吟舒憤訴穹蒼

長歌行

青青園中葵朝露待日晞陽春布德澤萬物生光輝常恐

秋節至焜黃華葉衰百川東到海何時復西歸少壯不努力老大徒傷悲

古八變歌

北風初秋至吹我章華臺浮雲多暮色似從崦嵫來枯桑鳴中林絡緯響空階翩翩飛蓬征愴愴遊子懷故鄉不可見長望始此回

枯魚過河泣

枯魚過河泣何時悔復及作書與魴鱖相教慎出入

豔歌

今日樂上樂相從步雲衢天公作美酒河伯出鯉魚青龍

看詩隨錄

卷一

三

前鋪席白虎持榼壺南斗工鼓瑟北斗吹笙竽姮娥垂明璫織女奉瑛琚蒼霞揚東謳清風流西歛垂露成帷幄奔星扶輪輿

古詩二首

採葵莫傷根傷根莫不生結交莫羞貧羞貧友不成

甘瓜抱苦蒂美棗生荆棘利傍有倚刀食人還自賊

古絕句二首

藁砧今何在山上復有山何當大刀頭破鏡飛上天

菟絲從長風根莖無斷絕無情尚不離有情安可別

古歌

高田種小麥終久不成穗男兒在他鄉焉得不憔悴

看詩隨錄

卷一

五



看詩隨錄五言卷二終
門下晚生
王福謙
劉學謙
校字

看詩隨錄魏五古卷三上

甯河高

靜慎莽選

男棠恩紹庭校刊

薤露

此首指何進召董卓事漢末實錄

曹操

惟漢二十世

沈德潛評孟德猶是漢音子桓以下純乎魏響其詩世遂後來時露霸氣

不敢斷因狩執君王白虹為貫日已亦先受殃賊臣執國

柄殺主滅宇京蕩覆帝基業宗廟以燔喪播越西遷移號

泣而且行瞻彼洛城郭微子為哀傷

蒿里行

此指本初公路輩討董卓而不能成功也

關東有義士興兵討羣凶初期會盟津乃心在咸陽軍合

力不齊躊躇而雁行勢利使人爭嗣還自相賊淮南弟稱

看詩隨錄

卷三上

一

號刻璽於北方鎧甲生蟻蝨萬姓以死亡白骨露於野干

里無鷄鳴生民百遺一念之斷人腸

苦寒行

升菴詩話五德樂府如短歌行苦寒行贈災八口久矣

北上太行山艱哉何巍巍羊腸坂詰屈車輪為之摧樹木

何蕭瑟北風聲正悲熊羆對我蹲虎豹夾路嘯谿谷少人

民雪落何霏霏延頸長歎息遠行多所懷我心何怫鬱思

欲一東歸水深橋梁絕中路正徘徊迷惑失故路薄暮無

宿棲行行日已遠人馬同時餓擔囊行取薪斧冰持作糜

悲彼東山詩悠悠使我哀

郤東西門行

元微之曰曹氏父子橫梁賦詩故其遺父并節柳揚怨
鴻雁出塞北乃在無人鄉舉翅萬里餘行止自成行冬節
哀悲離之作尤極於古

食南稻春日復北翔田中有轉蓬隨風遠飄揚長與故根
絕萬歲不相當奈何此征夫安得去四方戎馬不解鞞步

甲不離傍冉冉老將至何時返故鄉神龍藏深泉猛獸步
高岡狐死歸首邱故鄉安可忘

至廣陵於馬上作
曹丕

觀兵臨江水水流何湯湯戈矛成山林元甲耀日光猛將
詩品云源出李陵頗有仲宣之體

懷暴怒膽氣正縱橫誰云水廣一葦可以航不戰屈敵
此他強之詞也然命意使事居然獨勝

人懼稽顙充國務耕殖先零自破亡興農淮泗間築室都
看詩隨錄 卷三上 二

徐方量宜轉權略六軍咸悅康豈如東山詩悠悠多憂傷

雜詩

漫漫秋夜長烈烈北風涼展轉不能寐披衣起彷徨彷徨
子桓詩有文士氣一變乃父悲壯之習矣要其便媚婉約能移人情

忽已久白露沾我裳俯視清水波仰看明月光天漢回西
流三五正縱橫草蟲鳴何悲孤雁獨南翔鬱鬱多悲思絲

中腸

西北有浮雲亭亭如車蓋惜哉時不遇適與飄風會吹我
二詩以自然為宗言外有無窮悲感

東南行行行至吳會吳會非我鄉安得久留滯棄置勿復

陳客子常畏人

芙蓉池作

乘輦夜行遊逍遙步西園雙渠相澗灌嘉木繞通川卑枝
拂羽蓋脩條摩蒼天驚風扶輪轂飛鳥翔我前丹霞夾明
月華星出雲間上天垂光彩五色一何鮮壽命非松喬誰
能得神仙遨遊快心意保已終百年

塘上行

蒲生我池中其葉何離離傍能行仁義莫若妾自知衆口

鑠黃金使君生別離念君去我時獨愁常苦悲想見君顏

色感結傷心脾念君常苦悲夜夜不能寐莫以豪賢故棄

捐素所愛莫以魚肉賤棄捐蔥與薤莫以麻枲賤棄捐菅

看詩隨錄

卷三上

三

與蒯出亦復苦愁入亦復苦愁邊地多悲風樹木何偃偃

從軍致獨樂延年壽千秋

種瓜篇

種瓜東井上冉冉自踰垣與君新爲婚瓜葛相結連寄託

不肖軀有如倚泰山兔絲無根株蔓延自登緣萍藻托清

流常恐身不全被蒙邱山惠賤妾執拳拳天日照知之想

君亦俱然

鰕鮒篇

鰕鮒游潢潦不知江海流燕雀戲藩柴安識鴻鵠遊世士

此誠明大德固無儔駕言登五嶽然後小陵邱俯觀上路

曹氏植文

子建詩五色相宣入者頭揚使才而不齊才用博而不

是博蘇李以下放推大家仲宜公幹鳥可執金鼓而抗顏

行也
人勢利惟是謀讎高念皇家遠懷柔九州撫劍而雷音猛
氣縱橫浮汎泊徒嗷嗷誰知壯士憂

筮篥引

置酒高殿上親友從我遊中厨辦豐膳烹羊宰肥牛秦箏
何慷慨齊瑟和且柔陽阿奏奇舞京洛出名謳樂飲過三
爵緩帶傾庶羞主稱千金壽賓奉萬年酬久要不可忘薄
終義所尤謙謙君子德磬折欲何求驚風飄白日光景馳
西流盛時不可再百年忽我道生存華屋處零落歸山邱
先民誰不死知命復何憂

怨歌行

看詩隨錄

卷三上

四

爲君旣不易爲臣良獨難忠信事不顯乃有見疑患周公
佐成王金滕功不刊推心輔王室二叔反流言待罪居東
國泣涕常留連皇靈大動變震雷風且寒拔樹偃秋稼天
威不可干素服開金縢感悟求其端公旦事旣顯成王乃
哀歎未四語竟用成語古人不忌吾欲竟此曲此曲哀且長今日樂相樂別後莫相忘

遠遊篇

遠遊臨四海俯仰觀洪波大魚若曲陵承浪相經過靈輦
戴方丈神嶽儼嵯峨仙人翔其隅玉女戲其阿瓊蘂可療
饑仰首吸朝霞崑崙本吾宅中州非我家將歸謁東父一
舉超流沙鼓翼舞時風長嘯激清歌金石固易敝日月同

光華齊手與天地萬乘安足多

名都篇

以刺時人騎射之妙游騁之樂而無憂國之

名都多妖女京洛出少年寶劍值千金被服麗且鮮鬪鷄

東郊道走馬長楸間馳騁未能半雙兔過我前攬弓捷鳴

鏑長驅上南山左挽因右發一縱兩禽連餘巧未及展仰

手接飛鳶觀者咸稱善衆工歸我妍歸來宴平樂美酒斗

十千膾鯉膾胎鰕炮鼈炙熊蹯鳴傳嘯匹侶列坐竟長筵

連翩擊鞠攘巧捷惟萬端白日西南馳光景不可攀雲散

還城邑清晨復來還

白馬篇

言人當立功爲國不可念私也

看詩隨錄

卷三上

五

白馬飾金羈連翩西北馳借問誰家子幽并遊俠兒少小

去鄉邑揚聲沙漠垂宿昔秉良弓楛矢何參差控弦破左

的右發摧月支仰手接飛猱俯身散馬蹏狡捷過猴猿勇

勳若豹螭邊城多警急胡虜數遷移羽檄從北來厲馬登

高隄長驅蹈匈奴左顧凌鮮卑棄身鋒刃端性命安可懷

父母且不顧何言子與妻名編壯士籍不得中顧私捐軀

赴國難視死忽如歸

美女篇

喻君子有美行願得賢君而事之若不過時

美女妖且閑採桑歧路間柔條紛冉冉落葉何翩翩擲

見素手皓腕約金環頭上金爵釵腰佩翠琅玕明珠交玉

體珊瑚間木難羅衣何飄颻輕裾隨風還顧盼遺光彩長
嘯氣若蘭行徒用息駕休者以忘餐借問女安居乃在城
南端子建此等語可謂好色不淫矣青樓臨大路高門結重關容華耀朝日誰不希令顏
媒氏何所營玉帛不時安佳人慕高義求賢良獨難衆人
徒嗷嗷安知彼所觀盛年處房室中夜起長歎

皇駕車篇

驅車揮鷲馬東到奉高城神哉彼泰山五嶽專其名隆高
貫雲霓嵯峨出太清周流二六埃間置十二亭上有湧醴
泉玉石揚華英東北望吳野西眺觀日精魂神所繫屬逝
者感斯征王者以歸天效厥元功成歷代無不遵禮記有
看詩隨錄 卷三上 六

品程探策或長短惟德亨利貞封者七十帝軒皇元獨靈
餐霞漱沆漉毛羽被身形發舉蹈虛廓徑庭升窈冥同壽
東父年曠代永長生

聖皇篇

此篇處猜嫌疑貳之際以執法歸臣下以恩賜歸君上
聖皇應歷數正康帝道休九州咸賓服威德洞八幽三公

此立言最得體處
奏諸公不得久淹留藩位任至重舊章咸率由侍臣省文

奏陛下體仁慈沉吟有愛戀不忍聽可之迫有官典憲不
得顧恩私諸王當就國璽綬何累纒便時舍外殿宮省寂
無人主上增顧念皇母懷苦辛何以爲贈賜傾府竭寶珍
文錢百億萬采帛若烟雲乘輿服御物錦羅與金銀龍旂

垂九旒羽蓋參班輪諸王自計念無功荷厚德思一効筋
力糜軀以報國鴻臚擁節衛副使隨經營貴戚並出送夾
道交輜駟車服齊整設鞞燭曜天精武騎衛前後鼓吹簫
笳聲祖道魏東門淚下霑冠纓攀蓋因內顧俯仰慕同生
行行將日暮何時還闕庭車輪爲徘徊四馬躊躇鳴路人
尙酸鼻何況骨肉情

種葛篇

種葛南山下葛藹自成陰與君初婚時結髮恩義深權愛
在枕席宿昔同衣衾竊慕棠棣篇好樂如瑟琴行年將晚
暮佳人懷異心思紀曠不接我情遂抑沈出門當何顧徘徊
看詩隨錄

卷三上

七

徊步北林下有交頸獸仰見雙棲禽攀枝長嘆息淚下沾
羅襟良馬知我悲延頸代我吟昔爲同池魚今爲商與參
往古皆歡遇我獨困於今棄置委天命悠悠安可任

棄婦篇

石榴植前庭此詩楊升菴丹鉛錄載之綠葉搖縹青丹華灼烈烈璀璨有光榮光榮

疇流離可以處淑靈有鳥飛來集拊翼以悲鳴悲鳴夫何

爲丹華實不成拊心常歎息無子當歸甯有子月經天無

子若流星天月相終始流星沒無精棲遲失所宜下與瓦

石并憂懷從中來歎自通鷄鳴反側不能寐逍遙於前庭

踟躕還入房蕭蕭帷幕聲舉帷更攝帶撫絃彈鳴箏慷慨

有餘音要妙悲且清收淚長歎息何以負神靈招搖待霜露何必春夏成晚穫爲良實願君且安甯

吁嗟篇

時法劄待藩國峻迨植十一年三徙都故云

吁嗟此轉蓬居世何獨然長去本根逝夙夜無休閒東西經七陌南北越九阡卒遇回風起吹我入雲間自謂終天路忽然下沈泉驚颿接我出故歸彼中田當南而更北謂東而反西宕宕當何依忽亡而忽存飄颻周入澤連翩歷五山流轉無恆處誰知我苦艱願爲中林草秋隨野火燔糜滅豈不痛願爲根荂連

泰山梁父行

看詩隨錄

卷三上

八

八方各異氣千里殊風雨劇哉邊海民寄身於草野妻子象禽獸行止依林阻柴門何蕭條狐兔翔我宇

野田黃雀行

高樹多悲風海水揚其波利劍不在掌結交何須多不見數語太索盡矣籬間雀見鷓自投羅羅家得雀喜少年見雀悲拔劍捎羅網黃雀得飛飛飛飛摩蒼天來下謝少年

蒲生行浮萍篇

浮萍寄清水隨風東西流結髮辭嚴親來爲君子儔恪勤在朝夕無端獲罪尤在昔蒙恩惠和樂如瑟琴何意今摧頽曠若商與參菜萸自有芳不若桂與蘭新人雖可愛無

若故所權行雲有反期君恩儻中還慊慊仰天歎愁心將
何愬日月不恒處人生忽如寓悲風來入懷淚下如垂露
發篋造衣裳裁縫統與素

七哀詩

明月照高樓流光正徘徊上有愁思婦悲歎有餘哀借問
歎者誰言是宕子妻君行踰十年孤妾常獨棲君若清路
塵妾若濁水泥浮沉各異勢會合何時諧願爲西南風長
逝入君懷君懷良不開賤妾當何依

三良詩

功名不可爲忠義我所安秦穆先下世三臣皆自殘生時

看詩隨錄

卷三上

九

等榮樂旣沒同憂患誰言捐軀易殺身誠獨難攬涕登君
墓臨穴仰天歎長夜何冥冥一往不復還黃鳥爲悲鳴哀
哉傷腑肝

公讌詩

公子敬愛客終宴不知疲清夜遊西園飛蓋相追隨明月
澄清景列宿正參差秋蘭被長坂朱華冒綠池潛魚躍清
波好鳥鳴高枝神飈接丹轂輕輦隨風移飄飄放志意干
秋長若斯

雜詩

高臺多悲風朝日照北林之子在萬里江湖迴且深方舟

陳思王起謂如高臺多悲風轉蓬離本根之類是也

安可極離思故難任孤鴻飛南遊過庭長哀吟翹思慕遠
人願欲託遺音形影忽不見翩翩傷我心

轉蓬離本根飄飄隨長風何意迴颿舉吹我入雲中高高
上無極天路安可窮類此遊客子捐軀遠從戎毛褐不掩
形薇藿常不充去去莫復道沈憂令人老

南國有佳人容華若桃李朝遊江北岸夕宿瀟湘沚時俗
薄朱顏誰爲發皓齒俯仰歲將暮榮耀難久恃

情詩

微陰翳陽景清風飄我衣遊魚潛綠水翔鳥薄天飛眇眇
客行士遙役不得歸始出嚴霜結今來白露稀遊子歎黍
看詩隨錄 卷三上 十

離處者歌式微慷慨對嘉賓悽愴內傷悲

贈白馬王彪

七首

序曰黃初四年正月白馬王任城王與余俱朝京

師會節氣到洛陽任城王薨至七月與白馬王還
國後有司以二王歸藩道路宜異宿止意毒恨之
蓋以大別在數日是用自剖與王辭焉憤而成篇

謁帝承明廬逝將歸舊疆清晨發皇邑日夕過首陽伊洛
廣且深欲濟川無梁汎舟越洪濤怨彼東路長顧瞻戀城
闕引領情內傷

大谷何寥廓山樹鬱蒼蒼霖雨泥我塗流潦浩縱橫中逵

絕無軌改轍登高岡修坂造雲日我馬元以黃

元黃猶能進我思鬱以紆鬱紆將何念親愛在離居本圖
相與偕中更不克俱鳴臯鳴衡軛豺狼當路衢蒼蠅間白
黑讒巧反親疎欲還絕無蹊攬轡止踟躕

踟躕亦何留相思無終極秋風發微涼寒蟬鳴我側原野
何蕭條白日忽西匿歸鳥赴高林翩翩厲羽翼孤獸走索

羣銜草不遑食感物傷我懷撫心長太息

此章乃一篇正意置在孤獸索羣下章法絕佳

太息將何爲天命與我違奈何念同生一往形不歸孤魂
翔故域靈柩寄京師存者忽復過亡沒身自衰人生處一
世去若朝露晞年在桑榆間影響不能追自顧非金石咄

看詩隨錄

卷三上

十一

嗒令心悲

此章無可奈何之辭人當極無聊後每作此以強解也
心悲動我神棄置莫復陳丈夫志四海萬里猶比鄰恩愛

苟不虧在遠分日親何必同衾幃然後展殷勤憂思成疾
疢無乃兒女仁倉卒骨肉情能不懷苦辛

苦辛何慮思天命信可疑虛無求列仙松子久吾欺變故
在斯須百年誰能持離別永無會執手將何時王其愛玉
體俱享黃髮期收淚卽長路援筆從此辭

贈徐幹

驚風飄白日忽然歸西山圓景光未滿衆星粲以繁志士
營世業小人亦不閒聊且夜行遊遊彼雙闕間文昌鬱雲

興迎風高中天春鳩鳴飛棟流焱激樞軒顧念蓬室士貧
賤誠足憐薇藿弗充虛皮褐猶不全慷慨有悲心興文自
成篇寶棄怨何人和氏有其德彈冠俟知已知已誰不然
良田有德者必榮也無晚歲膏澤多豐年亮懷璠璣美積久德愈宣親友
義在敦申竟復何言

送應氏詩二首

步登北邙坂遙望洛陽山洛陽何寂寞宮觀盡燒焚垣牆
皆頓擗荆棘上參天不見舊耆老但覩新少年側足無行
徑荒疇不復田遊子久不歸不識陌與阡中野何蕭條干
里無人煙念我平生親一作平氣結不能言

看詩隨錄

卷三上

七

清時屢難得嘉會不可常天地無終極人命若朝霜願得
展燕婉我友之朔方親昵並集送置酒此河陽中饋豈獨
薄賓飲不盡觴愛至望苦深豈不愧中腸山川阻且遠別
促會日長願爲比翼鳥施翮起高翔

贈丁儀

初秋涼氣發庭樹微銷落凝霜依玉除清風飄飛閣朝雲
不歸山霖雨成川澤黍稷委疇隴農夫安所獲在貴多忘
賤爲恩誰能博狐白足禦冬馬念無衣客思慕延陵子寶
劍非所惜子其甯爾心親交義不薄

贈王粲

天春賦與派賦於燕感賦揮題念書室士

端坐苦愁思攬衣起西遊樹木發春華清池激長流中有
孤鴛鴦哀鳴求匹儔我願執此鳥惜哉無輕舟欲歸忘故
道顧望但懷愁悲風鳴我側義和逝不留重陰潤萬物何
懼澤不周誰令君多念自使懷百憂

贈丁儀王粲一首

從軍度函谷驅馬過西京山岑高無極涇渭揚濁清壯哉

帝王居佳麗殊百城員闕出浮雲承露竒太清皇佐揚天

惠四海無交兵權家雖愛勝全國爲令名君子在末位不
能歌德聲丁生怨在朝王子權自營權怨非貞則中和誠

可經

看詩隨錄

卷三上

三

公讌詩

劉楨

永日行遊戲歡樂猶未央遺思在元夜相與復翱翔輦路

飛素蓋從者盈路旁月出照園中珍木鬱蒼蒼清川過石

渠流波爲魚防芙蓉散其華蒨蒨溢金塘靈鳥宿水裔仁
獸遊飛梁華館寄流波豁達來風涼生平未始聞歌之安

能詳投翰長歎息綺麗不可忘

贈五官中郎將

昔我從元后整駕至南鄉過彼豐沛都與君共翱翔四節

相推斥季冬風且涼衆賓會廣坐明燈熺炎光清歌製妙

聲萬舞在中堂金壘含甘醴羽觴行無方長夜忘歸來聊

且爲太康四牡向路馳歡悅誠未央

余嬰沉痼疾竄身清漳濱自夏涉元冬彌廣十餘旬常恐
遊岱宗不復見故人所親一何篤步趾慰我身清談同日
夕情眊敘憂勤便復爲別辭遊車歸西隣素葉隨風起廣
路揚埃塵逝者如流水哀此遂離分追問何時會要我以
陽春望慕結不解貽爾新詩文勉哉修令德北面自寵珍

贈從弟三首

贈人之作通用比體亦是一格

殆恥仕曹者有質有

汎汎東流水磷磷水中石積藻生其涯華紛何優溺采之

薦宗廟可以羞嘉客豈無園中葵懿此出深澤

亭亭山上松瑟瑟谷中風風聲一何盛松枝一何勁冰霜

看詩隨錄

卷三上

正慘悽終歲常端正豈不罹凝寒松柏有本性

鳳凰集南嶽徘徊孤竹根於心有不厭奮翅凌紫氛豈不
常勤苦羞與黃雀羣何時當來儀將須聖明君

贈徐幹

誰謂相去遠隔此西掖垣拘限清切禁中情無由宣思子
沈心曲長歎不能言起坐失次第一日三四遷步出北寺
門遙望西苑園細柳夾道生方塘含清源輕葉隨風轉飛
鳥何翩翩一作翻乖人易感動涕下與衿連仰視白日光皦皦高
且懸兼燭入絃內物類無頗偏我獨抱深感不得與比焉

職事相填委文墨紛消散馳翰未暇食日昃不知晏沈迷
簿領書回回自昏亂釋此出西城登高且遊觀方塘含白
水中有鳧與雁安得蕭蕭羽從爾浮波瀾

七哀詩

西京亂無象豺虎方遘患復棄中國去委身適荆蠻親戚

對我悲朋友相追攀出門無所見白骨蔽平原路有饑婦

人抱子棄草間顧聞號泣聲揮涕獨不還未知身死處何

能兩相完驅馬棄之去不忍聽此言南登霸陵岸回首望

長安悟彼下泉人喟然傷心肝

荆蠻非吾鄉何爲久滯淫方舟泝大江日暮愁我心山岡

看詩隨錄 卷三上 五

有餘映巖阿增重陰狐狸馳赴穴飛鳥翔故林流波激清

響猴猿臨岸吟迅風拂裳袂白露沾衣襟獨夜不能寐攝

衣起撫琴絲桐感人情爲我發悲音羈旅無終極憂思壯

難任

邊城使心悲昔我親更之冰雪截肌膚風飄無止期百里

不見人草木誰當遲登城望亭隄翩翩飛戍旗行者不顧

反出門與家辭子弟多俘虜哭泣無已時天下盡樂土何

爲久留茲蓼蟲不知辛去來勿與諮

咏史詩

自古無殉死達人所共知秦穆殺三良惜哉空爾爲結髮

事明君受恩良不訾臨沒要之死焉得不相隨妻子當門
泣兄弟哭路陲較然詩語云二句迴出情表未和陳王將呼蒼天涕下如綆縻人生各有志終
不爲此移同知埋身劇心亦有所施生爲百夫雄死爲壯
士規黃鳥作哀詩至今聲不虧

室思

徐幹

人靡不有初想君能終之別來歷年歲舊恩何可期重新

此託言聞人之詞自處於厚而望君不薄情極深至

而忘故君子所猶譏寄身雖在遠豈忘君須臾既厚不爲
薄想君時見思

雜詩

浮雲何洋洋願因通我詞飄飄不可寄徒倚徒相思人離
看詩隨錄 卷三上

後人疑者多矣終遜其自然

夫

皆復會君獨無返期自君之出矣明鏡暗不治思君如流
水何有窮已時

侍五官中郎將建章臺集詩一首

應瑒

朝鴈鳴雲中音響一何哀問子遊何鄉戢翼正徘徊言我
塞門來將就衡陽樓往春翔北土今冬客南淮遠行蒙霜

雁爲詞音調悲切異於衆作存此以備一格

詞極婉用以自

雪毛羽口摧隤常恐傷肌骨身隕沈黃泥簡珠墮沙石何
能中自諧欲因雲雨會濯翼陵高梯良遇不可值伸眉路

何階公子敬愛客樂飲不知疲和顏旣以暢乃肯顧細微

贈詩見存慰小子非所宜爲且極歡情不醉其無歸凡百

敬爾位以副飢渴懷

別詩

朝雲浮四海日暮歸故山行役懷舊土悲思不能言悠悠涉千里未知何時旋

百一詩

應璩

下流不可處君子慎厥初名高不宿著易用受侵誣前者

墮官去有人適我閭田家無所有酌醴焚枯魚問我何功

德之詩三人承明廬所占於此土是謂仁智居文章不經國筐

篋無尺書用等稱才學往往見歎譽下四句自答避席跪自陳賤子實

空虛宋人遇周客慙愧靡所如

雜詩

看詩隨錄

卷三上

十七

細進言聽言意愈隱愈顯微苟不慎隄潰自蟻穴腴理早從事安復勞鍼石哲人

覩未形愚夫闇明白曲突不見賓焦爛為上客思願獻良

規江海倘不逆狂言雖寡善猶有如鷄跖鷄跖食不已齊

王為肥澤

挽歌

繆襲

生時遊國都死沒棄中野朝發高堂上暮宿黃泉下白日

入虞淵懸車息駟馬造化雖神明安能復存我形容稍歇

滅齒髮行當墮自古皆有然誰能離此者

從軍行

左延年

苦哉邊地人一歲三從軍三子到燉煌二子詣隴西五子

遠鬪去五婦皆懷身

定情詩

繁欽

我出東門遊邂逅承清塵思君卽幽房侍寢執衣巾時無
桑中契迫此路側人我旣媚君妾君亦悅我顏何以致拳
拳縮臂雙金環何以致殷勤約指一雙銀何以致區區耳
中雙明珠何以致叩叩香囊繫肘後何以致契濶繞腕雙
跳脫何以結恩情美玉綴羅纓何以結中心素縷連雙鍼
何以結相於一作投金薄畫搔頭何以慰別離耳後玳瑁釵
何以答歡悅紉素三條裾何以結愁悲白絹雙中衣與我
期何所乃期東山隅日旰兮不來谷風吹我襦遠望無所
看詩隨錄 卷三上 六

見涕泣起踟躕與我期何所乃期山南陽日中兮不來飄
風吹我裳逍遙莫誰覩望君愁我腸與我期何所乃期西
山側日夕兮不來躑躅長歎息遠望涼風至俯仰正衣服
與我期何所乃期山北岑日暮兮不來淒風吹我襟望君
不能坐悲苦愁我心愛身以何爲惜我華色時中情旣款
款然後尅密期褰衣躡茂草謂君不我欺廁此醜陋質徙
倚何所之自傷失所欲淚下如連絲

看詩隨錄魏五古卷三下

甯河高 靜慎菴選

男棠恩紹庭 廣恩熙廷 校刊

詠懷

本八十二篇錄三十八篇

阮籍

夜中不能寐起坐彈鳴琴薄帷鑒明月清風吹我襟孤鴻

詠懷諸篇反復零亂與奇無端和愉哀怨雜集於中令人莫求歸述此其為阮公之詩也

號外野翔鳥鳴北林徘徊將何見憂思獨傷心

類延年日說者阮籍在晉文代常慮禍患致發此詠看來

二妃遊江濱逍遙順風翔交甫懷環珮婉孌有芬芳倚靡

情歡愛千載不相忘傾城迷下蔡容好結中腸感激生憂

思萱草樹蘭房膏沐為誰施其雨怨朝陽如何金石交一

巨更離傷

嘉樹下成蹊東園桃與李秋風吹飛藿零落從此始繁華

看詩隨錄 卷三下

有憔悴堂上生荆杞驅馬舍之去去上西山趾一身不自

一結見否終則傾有去之性恐不達意

保何況戀妻子凝霜被野草歲暮亦云已

天馬出西北由來從東道春秋非有託富貴焉常保清露

被皋蘭凝霜霑野草胡為媚少年夕暮成醜老自非王子

晉誰能常美好

昔日繁華子安陵與龍陽天天桃李花灼灼有輝光悅懌

若九春磬折似秋霜流盼發姿媚言笑吐芬芳攜手等歡

愛宿昔同衣裳願為雙飛鳥比翼共翱翔丹青著明誓永

世不相忘 炎暑惟茲夏三旬將欲移芳樹垂綠葉清雲自逶迤四時

更代謝日月遞差池徘徊空堂上切怛莫我知願覩卒歡
好不見悲別離

秋駕安可學東野窮路旁綸深魚潛淵煇設鳥高翔汎汎
棗輕舟演漾靡所望吹噓誰以益江湖相捐忘都冶難爲
顏脩容是我常茲年在松喬恍惚誠未央

登高臨四野北望青山阿松柏翳岡岑飛鳥鳴相過慷慨
懷辛酸怨毒常苦多李公悲東門蘇子狹三河求仁自得
仁豈復歎咨嗟

平生少年時輕薄好絃歌西遊咸陽中趙李相經過娛樂
未終極白日忽蹉跎驅車復來歸反顧望三河黃金百鎰
看詩墮錄

卷三下

盡資用常苦多北臨太行道失路將如何

昔聞東陵瓜近在青門外連畛距阡陌子母相鉤帶五色
曜朝日嘉賓四面會膏火自煎熬多財爲患害布衣可終

身寵祿豈足賴

灼灼西隤日餘光照我衣迴風吹四壁寒鳥相因依周周

此章爲知進而不知退者言

尚銜羽蛩蛩亦念饑如何當路子磬折忘所歸豈爲夸譽
名憔悴使心悲甯與燕雀翔不隨黃鵠飛黃鵠遊四海中

路將安歸

步出上東門北望首陽岑下有采薇士上有嘉樹林良辰
在何許疑霜霑衣襟寒風振高岡元雲起重陰鳴雁飛南

征鷓鴣發哀音素質游商聲悽愴傷我心

隱疾語游字應作由

北里多奇舞濮上有微音輕薄閒遊子俯仰乍浮沉捷徑
從狹路僂俛趨荒淫焉見王子喬乘雲翔鄧林獨有延年

術可以慰我心

湛湛長江水上有楓樹林皋蘭被徑路青驪逝駸駸遠望

末四句隱

令人悲春風感我心三楚多秀士朝雲進荒淫朱華振芬

芳高蔡相追尋一為黃雀哀淚下誰能禁

用莊辛諫楚王語意

開秋北涼氣蟋蟀鳴牀帷感物懷殷憂悄悄令心悲多言
焉所告繁辭將訴誰微風吹羅袂明月耀清暉晨鷄鳴高
樹命駕起旋歸

看詩隨錄 卷三下

昔年十四五志尚好詩書被褐懷珠玉顏閔相與期開軒

臨四野登高望所思邱墓蔽山岡萬代同一時千秋萬歲

翻榮名以為寶句

嶽嶽若類閱相真期也

後榮名安所之乃悟羨門子敏敏令自強

襄徊蓬池上還願望大梁綠水揚洪波曠野莽茫茫走獸
交橫馳飛鳥相隨翔是時鶉火中日月正相望朔風厲嚴

寒陰氣下微霜羈旅無僦匹俯仰懷哀傷小人計其功君

常往往惟悴然豈緣此而為惜乎是真能立志砥節者

子道其常豈惜終憔悴詠言著斯章

獨坐空堂上誰可與歡者出門臨永路不見行車馬登高
望九州悠悠分曠野孤鳥西北飛離獸東南下日暮思親

友晤言用自寫

懸車在西南義和將欲傾流光耀四海忽忽至夕冥朝爲
咸池暉蒙汜受其榮豈知窮達士一死不再生視彼桃李
花誰能久熒熒君子在何許歎息未合并瞻仰景山松可
以慰吾情

西方有佳人皎若白日光被服織羅衣左右珮雙璜修容
耀姿美順風振微芳登高眺所思舉袂當朝陽寄顏雲霄
間揮衷凌虛翔飄飄恍惚中流盼顧我旁悅慚未交接晤
言用感傷

楊朱泣岐路墨子悲染絲揖讓長離別飄飄難與期豈徒
燕婉情存亡誠有之蕭索人所悲禍釁不可辭趙女媚中
看詩隨錄 卷三下 四

山謙柔愈見欺嗟嗟塗上士何用自保持

於心懷寸陰羲陽將欲冥揮袂撫長劍仰觀浮雲征雲間

有元鶴抗志揚哀聲一飛冲青天曠世不再鳴豈與鶉鷄

遊連翩戲中庭

夏后稷靈輿夸父爲鄧林存亡從變化日月有浮沉鳳凰
鳴參差伶倫發其音王子好簫管世世相追尋誰言不可

見青鳥明我心

東南有射山汾水出其陽六龍服氣輿雲蓋切天綱仙者
四五人道遊晏蘭房寢息一純和呼喻成露霜沐浴丹淵
中炤耀日月光豈安通靈臺游養去高翔

朝登洪坡巔日夕望西山荆棘被原野羣鳥飛翩翩鸞鷲
時棲宿性命有自然建木誰能近射干復嬋娟不見林中
葛延蔓相勾連

駕言發魏都南向望吹臺簫管有遺音梁王安在哉戰士
食糟糠賢者處蒿萊歌舞曲未終秦兵已復來夾林非吾
有朱宮生塵埃軍敗華陽下身竟爲死灰

朝陽不再盛白日忽西幽去此若俯仰如何似九秋人生
若塵露天道邈悠悠齊景升邱山涕泗紛交流孔聖臨長
川惜逝忽若浮去者余不及來者吾不留願登太華山上
與松子遊漁父知世患乘流泛輕舟

看詩隨錄

卷三下

五

炎光延萬里洪川蕩湍瀨彎弓挂扶桑長劍倚天外泰山
成砥礪黃河爲裳帶視彼莊周子榮枯何足賴捐身棄中
野烏鳶作患害豈若雄傑士功名從此大

壯士何慷慨志欲威八荒驅車遠行役受命念自忘良弓
挾烏號明甲有精光臨難不顧生身死魂飛揚豈爲全軀
士效命爭戰場忠爲百世榮義使令名彰垂聲謝後世氣
節故有常

天網彌四野六翮掩不舒隨波紛綸客汎汎若浮鳧生命
無期度朝夕有不虞列仙停修齡養志在沖虛飄飄雲日
間邈與世路殊榮名非已寶聲色馬足娛採藥無旋返神

仙志不符逼此良可感令我久躊躇

儒者通六經

魏晉人崇尚老莊然此詩言各從其志無進退兩家意立志不可干違禮不爲動非法不肯言渴飲

清泉流饑食并一簞歲時無以祀衣服常苦寒屣履詠南風緼袍笑華軒信道守詩書義不受一餐烈烈褒貶辭老氏用長歎

鷓鴣飛桑榆海鳥運天池豈不識宏大羽翼不相宜招搖安可翔不若棲樹枝下集蓬艾間上遊園圍籬但爾亦自足用子爲追隨

河上有丈人緯蕭棄明珠甘彼藜藿食樂是蓬蒿廬豈效纒紛子良馬騁輕輿朝生衢路傍夕瘞橫街隅歡笑不終

看詩隨錄

卷三下

六

晏俯仰復歛歎鑿茲二三者憤懣從此舒

塞門不可出海水焉可浮朱明不相見奄昧獨無俟持瓜思東陵黃雀誠獨羞失勢在須臾帶劍上吾邱悼彼桑林子涕下自交流假乘汗渭間鞍馬去行遊

木槿榮邱墓煌煌有光色白日頽林中翩翩零路側蟋蟀吟尸牖螭蛄鳴荆棘蚩蚩玩三朝采采脩羽翼衣裳爲誰施俯仰自收拭生命幾何時慷慨各努力

林中有奇鳥自言是鳳凰清朝飲醴泉日夕棲山岡高鳴徹九州延頸望八荒適逢商風起羽翼自摧藏一去崑崙西何時復迴翔但恨處非位愴悵懷心傷

出門望佳人佳人豈在茲三山招松喬萬世誰與期存亡
有長短慷慨將焉知忽忽朝日隕行行將何之不見季秋

草摧折在今時

孫樂詩品詠懷之作可以陶性靈發幽思言在耳目之內情寄八荒之表嚴舍原云黃初之後惟阮籍家懷有
王子十五年遊衍伊洛濱朱顏茂春華辯慧懷清真馬見
浮邱公舉手謝時人輕薄易恍惚飄飄棄此身飛飛鳴且
翔揮翼且酸辛

答二郭其三首

嵇康

龍曰嵇古高峻峻吉遷深故能標焉
詳觀凌世務屯險多憂虞施報更相市大道匿不舒夷路

值枳棘安步將焉如權智相傾奪名位不可居鸞鳳遐尉

羅遠託崑崙墟莊周悼靈龜越穆嗟王輿至人存諸已隱

看詩隨錄

卷三下

七

璞樂元虛功名何足殉乃欲列簡書所好亮若茲楊氏歎

交衢去去從所志敢謝道不俱

門下晚生 續嶺芝校字

